

KULIAH ZOHOR

“Cari Bantuan Untuk Lindungi Agama”

Masjid Maarof | 27 Mac 2019

Muhammad Haniff Hassan

ismhaniff@ntu.edu.sg / www.haniff.sg

Ayat Al-Quran

قَالَ لَوْ أَنَّ لِي بِكُمْ قُوَّةٌ أَوْ آوِي إِلَىٰ رُكْنٍ شَدِيدٍ

“Lut berkata Seandainya aku ada mempunyai kekuatan (untuk menolakmu) atau kalau aku dapat berlindung kepada keluarga yang kuat.” (Hud: 80)

قَالُوا يَا سُعَيْبُ مَا نَفَقَهُ كَثِيرًا مِّمَّا تَقُولُ وَإِنَّا لَنَرَاكَ فِينَا ضَعِيفًا
وَلَوْلَا رَهْطُكَ لَرَجَمْنَاكَ وَمَا أَنْتَ عَلَيْنَا بِعَزِيزٍ

“Mereka berkata Hai Syuaib, kami tidak mengerti apa yang kamu katakan itu dan sesungguhnya kami benar-benar melihat kamu seorang yang lemah di antara kami; kalau tidaklah kerana keluargamu tentulah kami telah merejam kamu, sedang kamu pun bukanlah orang yang berwibawa di sisi kami.” (Hud: 91)

Pengajaran

1. Nabi Lut berharap mempunyai sokongan keluarga yang kuat bagi menyokong dakwahnya.
2. Kaum nabi Syuaib pula terhalang dari mengganggu beliau kerana keluarganya yang berada dibelakangnya.

3. Dakwah pada ketika lemah hendaklah berusaha untuk membina sokongan dari sumber kekuatan atau tampuk kuasa bagi menjaga agama dan pemeluknya dari gangguan musuh
 - tampuk kuasa boleh dalam bentuk naungan keluarga yang kuat, individu atau pemerintah lain.
4. Kebijaksanaan ialah kenal pasti sumber kekuatan ini setiap masa dan memenangi sokongan mereka.
5. Walaupun dijanjikan bantuan Allah, tidak bermakna berdiam diri dan tawakal sahaja dari berusaha untuk menjaga keamanan agama dan Muslim.

6. Contoh Nabi

- berlindung di bawah Abu Talib
- berlindung di bawah keluarganya Bani Hashim
- berlindung di bawah ketua kabilah yang kuat
- perintah sahabat berlindung di Habsyah
- hijrah ke Madinah.

7. Perlu pastikan perlindungan diterima dari elemen yang boleh dipercayai (tidak semestinya Muslim) dan tidak menggadaikan prinsip Islam.

KULIAH ZOHOR

“Peka Terhadap Persekitaran & Perkembangan Semasa”

Masjid Maarof | 27 Mac 2019

Muhammad Haniff Hassan

ismhaniff@ntu.edu.sg / www.haniff.sg

Ayat Al-Quran

الم

عَلَيْتِ الرُّومُ

فِي أَدْنَى الْأَرْضِ وَهُمْ مِّنْ بَعْدِ غَلَبِهِمْ سَيَغْلِبُونَ

فِي بِضْعِ سِنِينَ لِلَّهِ الْأَمْرُ مِنْ قَبْلُ وَمِنْ بَعْدُ وَيَوْمَئِذٍ يَفْرَحُ الْمُؤْمِنُونَ

بِنَصْرِ اللَّهِ يَنْصُرُ مَنْ يَشَاءُ وَهُوَ الْعَزِيزُ الرَّحِيمُ

“Alif Laam Miim.

Telah dikalahkan bangsa Rumawi.

Di negeri yang terdekat, dan mereka sesudah dikalahkan itu akan menang.

Dalam beberapa tahun (lagi), bagi Allahlah urusan sebelum dan sesudah (mereka menang) dan di hari (kemenangan bangsa Rumawi) itu bergembiralah orang-orang yang beriman.

Kerana pertolongan Allah, Dia menolong siapa yang dikehendakiNya dan Dialah Yang maha Perkasa lagi Maha Penyayang.” (Al-Rum : 1-5)

Pengajaran

1. Peka terhadap isu dan perkembangan semasa.
2. Nabi ambil tahu akan peristiwa yang berlaku di tempat lain walau teknologi tidak canggih masa itu.
3. Bukan hanya ambil berat akan apa yang berlaku terhadap umat Islam tetapi juga terhadap umat lain
 - Nabi ambil berat nasib bangsa Rumawi.

4. Simpati kita terhadap nasib buruk bukan hanya kepada umat Islam, juga umat lain.

5. Bersimpati dan menyokong musuh yang lebih ringan mudaratnya dibenarkan
 - tidak menyebabkan mudarat yang lebih besar
 - Nabi bersimpati terhadap bangsa Rumawi Kristian kerana lebih dekat dengan Islam dari bangsa Parsi Majusi.

6. Bijak kenal pasti golongan bukan Muslim, yang mana seperti Majusi dan yang mana seperti Rumawi dalam konteks yang dihadapinya kerana orang bukan Islam bukan semuanya sama

7. Dinamik terhadap golongan bukan Muslim
 - musuh hari ini tidak semestinya menjadi musuh akan datang
 - memberi sokongan hari ini tidak semestinya memberi sokongan berterusan pada masa akan datang kerana walau pun Rasulullah pernah bersimpati kepada bangsa Rumawi tetapi apabila keadaan telah berubah, ia memerangi mereka sebagaimana yang berlaku dalam Perang Mu'tah dan Tabuk.